

Izjava ambasadora Upravnog odbora Vijeća za implementaciju mira povodom parafiranja Sporazuma o stabilizaciji i pridruživanju

Na današnjem sastanku u Sarajevu, ambasadori zemalja članica Upravnog odbora Vijeća za implementaciju mira pozdravili su parafiranje Sporazuma o stabilizaciji i pridruživanju.

Ovaj Sporazum su četvrtog decembra parafirali komesar Olli Rehn i premijer Nikola Špirić, što predstavlja važan korak naprijed. Time se pruža prilika da se ubrza napredak u procesu stabilizacije i pridruživanja.

Ambasadori Upravnog odbora pozdravljaju duh kompromisa i jedinstva kojeg su iskazali politički lideri Bosne i Hercegovine.

Ambasadori Upravnog odbora također pozdravljaju činjenicu da je Evropska unija ponovo potvrdila svoje opredjeljenje da podrži BiH te konkretno lični angažman komesara Ollia Rehna i generalnog sekretara i visokog predstavnika Javiera Solane.

Ambasadori Upravnog odbora izražavaju posebnu zahvalnost visokom predstavniku/ specijalnom predstavniku EU Miroslavu Lajčaku za vođstvo i upornost u namjeri da pomogne političkim liderima BiH da ispune uvjete za parafiranje Sporazuma.

Ambasadori Upravnog odbora uvjereni su da će se bh. institucije angažovati na ovom pozitivnom programu i što prije ispuniti uvjete za potpisivanje Sporazuma o stabilizaciji i pridruživanju.